



15. oktober 2019

UKA 2019/25  
Aqqalu C. Jerimiassen

**Uunga siunnersuut: Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. xx, xx. xxx 2019-imeersaq.**

(Aatsitassanut Suliffeqarnermullu Naalakkersuisoq)

Assaat sulisinnaasut tamarmik sulissapput! Inuusuttagut siunissaraagut! Inuusuttorli piumassuseqarluartoq ajoraluartumik fb-mini allattoq takusaraarput: “Ilinniarfissarsereerlunga praktikerfissaarunnerma aasit aallartinnissaraluara fiappaa!”.

Ajoraluaqaarlimi taanna maanna nalignnaalersimaqimmat, piumassuseqaraluanut unittoortitsissutitut inissisimalersimalluni.

Qujanartumilli maanna taama Naalakkersuisut saqqummiussaqaarnerat Atassummiik nuannaarutigalugu tiguarput. Tassami ersersinneqarmat nunatta siunissaatut taajukkagut kiisami ersarinnerumaamik isiginiarneqalersimasut sungiusaataasumik suliffeqarsinnaanerak eqqarsaatigalugu.

Suliffeqarfiilli namminersortut, pingaartumillu suliffeqarfiit mikinerit taamatut pinngitsaaliissummik ilinniartoqarlutillu sungiusartoqarnissaannik piumasaqartoqarnissaq annertuumik uparuaraat Atassummiit paasilluarparput. Suliffeqarfiimmi namminersortut mikinerit artukkorsortussaanngilagut ineriartornissaannullu aporfilersorlugit.

Suliffeqarfiillu sulisoqarnikkut ilinniagaqartunillu naammattunik peqareertut amerlanerusunik ilinniartunik pinngitsaaliissummik ilinniartoqartassappata, siunissami suliffeqarfinnut taamatut sulialinnut amerlavallaanik ilinniagalinnik peqalersinnaanera ernumanarsinnaavoq. Naammassippata suliffissaqarsinnaanerak qulakkeerpeqarsinnaanngimmat.

Taamaattumik siunertaq pitsaagaluaqisoq, itigartinngikkaluarlugu ataatsimiititaliami suliffeqarfinnut mikinerusunut ajortumik kinguneqannginnissaa, ilinniartoqarnissaminnullu naaggaarsinnaanissaat periarfissaqartilluarumallugu eqqartorluarneqarnissaa Atassummiit kissaatigaarput.